


# NINGÚN NENO SEN SABER NADAR



A utilización lóxica da Piscina Municipal de Caranza xustifícase, non solo polo adestramento e a competición dos nosos campións, senón que está pensada tamén para que un grande número de nenos e adultos poidan aprender a nadar como fonte da súa formación integral e desenrolo físico, ou que practiquen unha actividade deportiva no medio acuático como método de mantemento da condición física, posta a punto ou diversión.

## OBXECTIVO DOS CURSOS

O noso propósito é lograr que tódolos nenos e nenas ferroláns saibam nadar ó concluír a súa etapa de escolarización.

Polo tanto, ademais do obxectivo utilitario da natación, marcámonos outros obxectivos:

- Facilita-lo aprendizaxe da natación ó maior número posible de escolares nunhas instalacións dotadas dos mellores e más adecuados recursos tanto materiais como humanos; intentando incorporar á Campaña un elevado número de Centros Educativos.
- Fomenta-la práctica do deporte infantil/escolar, facilitando o acceso ás Escolas de Iniciación das distintas especialidades: natación, waterpolo,... a aqueles que demostren aptitudes e interese.
- Inculca-lo costume e hábitos de carácter hixiénico relacionados co medio acuático, así como a adquisición e aceptación de normas de comportamento social: respecto ó uso das instalacións públicas, relacións entre componentes de diversos grupos, colexios, etc...

## ¿A QUEN VAN DIRIXIDOS OS CURSOS?

A grupos de alumnos de educación primaria, que poderán acudir á instalación unha vez á semana dentro do seu horario escolar, polas mañás.

## ¿EN QUÉ CONSISTE A ACTIVIDADE?

Desde o primeiro día de asistencia, os alumnos son distribuidos en grupos reducidos atendendo ó seu nivel de familiarización, adaptación e desenvolvemento no medio acuático, asignando o seu control técnico en concreto.

A asistencia prodúcese cunha frecuencia semanal; a duración total das sesións estimamos nuns 90 minutos, incluíndo o transporte e o tempo destinado ó paso polos vestuarios da instalación.

## ¿QUEN IMPARTE AS CLASES?

As imparten técnicos deportivos especializados en natación, en posesión da súa correspondente titulación, outorgada pola Escola Nacional de Entrenadores da Federación Española de Natación.

## OBSERVACIONES

É importante que calquera aspecto ou dificultade que o director /a de cada Centro, e no seu caso o responsable dos grupos que acuden á Piscina, pense que debe facérnolo saber, o faga constar na folla de inscrición co fin de que poida ser atendida con antelación (alumnos con alguma enfermidade ou con problemas de accesibilidade, etc...).